

# **Informasjon og retningslinjer for bruksberettiga i Skjåk Almenning.**

Sist revidert 25. juni 2015  
Vedteke i styresak 2015/29

## **1. Generelt om bruksrettsyting**

Føresetnaden for å få bruksrettsyting er at tiltaket tilfredsstiller eigedomens behov ved jordsbruksmessig drift, og er i samsvar med rasjonell bruk i høve det som er naturleg etter tid og tilhøve, jfr. Bygdealmenningslova § 2-2. Almenningsstyret har gjeve uttrykk for at det er det aktive jordbruket som skal prioritert. Ved forvaltning av bruksretten og berekningen av eigedomens jordbruksmessige behov er det eigedommens eiga areal som er grunnlaget. Leiejord skal altså ikkje inkluderast. Tiltaket det blir søkt ytingar om må altså stå i samsvar med eigedommens status og drift etter ei samla vurdering. Eigar av bruksberettiga jordbrukseigedom må i søknadsform beskrive og dokumentere eigedomens behov ved jordbruksmessig drift. Det vil bli gjort konkrete og individuelle vurderingar, og kvar enkelt søknad vil bli vurdert ut ifrå den jordbruksmessig drift som faktisk føregår, dyrka areal, busetting, framtidssplaner for bruket, planar om tilflytting og evt. planar om gjenoppretting av jordbruksdrift. Opprampsinga er ikkje uttømande, og almenningsstyret kan be om eller innhente tilleggsinformasjon for å betre sitt vurderingsgrunnlag.

## **2. Søknad**

For søknad om bruksrettsytingar skal det brukast eige søknadsskjema.

Det skal brukast 1 – eitt – skjema for kvart tiltak. Kvar søknad blir gjeve eit søknadsnummer. Dette skal gjevast opp når uttak av tømmer og trelast skjer.

Den enkelte bruksberettiga eigedom kan i løpet av eitt kalenderår ta ut inntil 2 m<sup>3</sup> trelast eller 5 m<sup>3</sup> rundvirke utan søknad, med vilkår at dette blir brukt til å dekkje eigedomens behov ved jordbruksmessig drift.

For uttak av tømmer og trelast over 2. m<sup>3</sup>: Alle bruksberettiga må søkje almenningsstyret på eige skjema.

Søknad skal vera innvilga før uttak kan skje. Virke som blir teke ut utan at søknad er innvilga kan fakturerast til marknadspris. Innvilga kvantum gjeld for 2 år

## **3. Tilskot og generasjonsskifte**

Tilskot er ein bruksmåte av overskot som kjem i tillegg til vanlege bruksrettsytingar. Styret står fritt i tildeling av tilskot, og vurderer til kvar tid innretning og storleik på tilskot.

Tilskotet blir gjeve på uttak av materialar frå Skjåk Trelast AS med ein prosentsats av materialkostnader. Gardbrukarar t.o.m. 35 år som tek over gardsbruk kan søkje om tilskot på investeringar som tener det jordbruksmessige behovet. Der det føreligg skriftleg avtale om overtaking av eigedomen innan 3 år kan det også søkjast om tilskot. Brukaren har ansvar for at slike opplysningar blir gjeve Skjåk Almenning.

Tilskotet skal stimulere til aktiv gardsdrift (berre burtleige av jordbruksareal vert ikkje rekna som aktiv drift). Skriftleg søknad med grunngjeving må sendast almenningsstyret, og søknaden skal vere godkjent i forkant. Søknaden skal innehalde ein konkret plan for den framtidige drifta, samt detaljert kostnadsoverslag over tiltaket.

Utbetaling av tilskotet blir gjort etter bilag ein gong i året, i inntil 3 år etter tiltaket vart godkjent av styret. Allmenningsstyret kan be om, eller innhente tilleggsinformasjon for å betre sitt vurderingsgrunnlag.

## **4. Omgjering av tildeling**

Alle ytingar utbetalt på feil grunnlag skal attendebetalast i si heilheit. Ved misbruk blir retten til almenningsytingar inndrege for 5 år. Om den jordbruksmessige drifta blir lagt ned innan rimeleg tid kan almenningsstyret krevja at ytingar blir attendebetalst (jf. §5-7 i bygdealmenningslova og gjeldande bruksreglar for Skjåk Almenning). Dette gjeld for eksempel frådeling av hus, frådeling/omdisponering av dyrka jord slik at jordbruksarealet blir så lite at bruket misser bruksretten eller at brukets karakter blir endra til fritidseigedom. Det vil skje stikkprøver på uttak av materialar (også under frikvantum) og at tiltaket er relevant for dagens drift på eigedommen.

## **5. Eigedomsoverdraging/forpakting/anna endring**

Ved eigedomsoverdraging, forpakting og endring av sivil status må bruksrettsmanntalet ajourførast. Dette skal gjerast ved at dei/den bruksberettiga sjølve kontaktar almenningskontoret for å få tilsendt meldingsskjema.

## **6. Strøflis, fyringsflis og grus**

- Strøflis: Brukrettsyting på strøflis blir berre gjeve til eigdomens jordbruksmessige behov. Kontakt Skjåk Trelast AS for hentedagar, pris, og evt. levering direkte til gardsbruket.
- Grus: Det blir gjeve bruksrettsrabatt på 15 kr/m<sup>3</sup> på uttak av knust grus frå Framruste (frå eiga råvare), eks. mva. og frakt. Det blir ikkje gjeve rabatt på uttak av råmasse. Uttak til fellestiltak og/eller setervegar skal gå gjennom organisert veglag. Rabatt blir utbetalt ein gong i året på grunnlag av samla dokumentert faktura levert Skjåk Almenning før 1. desember. Før rabatt blir gjeve skal bruksberettiga søkje om dette på eige skjema.
- Fyringsflis: Brukrettsyting på fyringsflis blir berre gjeve til eigdomens jordbruksmessige behov.

## **7. Snøscooter**

Skjåk Almenning har reglar som regulerer bruk av snøscooter innan almenninga i samband med jordbruksnæring. Bruksberettiga som har legitimt behov for å nytte snøscooter, må framfor kvar vintersesong sende skriftleg melding om dette på fastsett skjema. Ferdig utfylt og godkjent skjema tener som kjøreløyve. Reglar og skjema vil ein få ved å vende seg til almenningskontoret. Ved køyring i verneområde, må forvaltninga gjeva løyve.

## **8. Uttak av ved på rot**

Iflg. bruksreglane kan hogst av ved på rot berre skje etter avtale. Bryting av tyrirot og neverflekkning o.s.v. kan berre skje etter tilvising.

## **9. Henting/køyring av ved frå Skjåk Trelast AS**

Utkøyring av ved skjer fortløpande i høve til bestillingsdato. Dei som sjølv ordnar transport, må køyre unna innan 1 veke etter henteklarmelding. Elles kjem dei sist i køen.

## **10. Rabattsatser til alle bruksberettiga**

Frå Skjåk Almenning:

### **Bruksrettsrabattar:**

Skurlast .....	30%	av detaljpris
Høvellast .....	20%	"
Impregnert last uhøvla .....	30%	"
Impregnert last høvla .....	20%	"
Gjerdestolp, impregnert .....	30%	"
Rundtømmer .....	30%	"
Vedslip .....	30%	" opp til 15 m <sup>3</sup>
Klöyvd furuved .....	20%	av marknadspolis
Bordkapp .....	30%	"
Celluloseflis .....	30%	"
Sag - og kutterflis .....	30%	"
Rein bark .....	30%	"
Grus.....	15 kr/m <sup>3</sup>	
Skrotbark og anna avrat .....	Gratis	

Gjeld ved kjøp av tømmer og trelast frå Skjåk Trelast AS.

Betalingsføresetnader: Netto pr. 15 dagar. Etter dette vert det rekna 12 % renter.

I tillegg yter Skjåk Almenning 18 % kvantumsrabatt på bruksrettssal (gjeld ikkje for grus).

### Frå Skjåk Trelast AS

Dette kjem som tillegg til rabattane frå Skjåk Almenning.

<b>Pr. ekspedisjon/bestilling</b>	<b>Innkjøpt trelast</b>	<b>Eigenprodusert trelast</b>
kr. 0 – 3.000	0 %	0 %
kr. 3.000 – 6.000	0 %	5 %
kr. 6.000 – 10.000	5 %	10 %
kr. 10.000 – 20.000	10 %	15 %
kr. >20.000	15 %	20 %

Rabatten gjeld ikkje tilbodsvarer, og tilbodsvarer går heller ikkje inn i rabattgrunnlaget.

### Frå Bygger`n Skjåk AS

Trelast: Opptil 25% på trelast.

Byggevarer: Småparti 10% - Større parti, spør om tilbod.

Desse rabattane blir ikkje gjeve i tillegg til rabatt frå Skjåk Almenning og Skjåk Trelast AS.